



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Joannis Pierii Valeriani Bellunensis Hieroglyphica, Sive De
Sacris Ægyptiorum Aliarumque Gentium Literis,
Commentariorum Libri LVIII**

Valeriano, Pierio

[Lipsiae] ; Francofurti Ad Moenum, 1678

Ægyptus.

urn:nbn:de:hbz:466:1-14259

DE IBI. CAP. XVII.

DE Ibi nunc dicere consentaneum est, quæ quidem omnino est Ciconiæ species, excelsa ea quidem, rigidis cruribus, procerò rostro, multo tamen alia quam nostra. Atq; eadem in Ægypto duplice genere distinguuntur: sunt enim alie candidæ, alie nigrae. Candidæ apud Pelusium tantum non sunt, cum in reliqua tota Ægypto habeantur: ideo vero candidæ appellatae, quia capite sunt & collo pene candido, reliquo tamen corpore nigricante. Nigrae contra apud Pelusium tantum, in cetera Ægypto nulla. Sunt vero haec nigrae tota cruribus gruñis, rōstro maxima ex parte adunco. Sed quæ candidæ dicuntur, pedibus sunt humanis prope similibus, & graciliore capite.

ÆGYPTUS. CAP. XVIII.

BQuæ quidem geminæ species in Ægypto tantum repertæ, argumentum dedere, ut Ibes geminæ ^{Q. & C.} _{Marii mus.} in hujusmodi significatum passim in obeliscis videas. In numis vero Q. & C. Marii, observavimus Ibes Elephanto adhibito: earum quippe regionum hieroglyphica, quas ipsi ditioni Romanæ subiecissent, aut in quibus æternæ memoriarum aliquid dignum efficerent. Sunt vero aves haec ita Ægypti propriæ, ut extra eam regionem vivere non possint, asportataeque ocyssimè moriantur. Est alia ratio, cur Ægyptum hieroglyphicè significant Ibes: nempe cum ea regio Delton, à Δ Graecæ littera figura nuncuparetur, eam cum Ibis similitudinem habet, quod alites haec literam eam incer- ^{Ægyptus} _{Delton dict.} su pedum, interstitio ad æquales trianguli lineas diducto, figurare videantur, idemque rostrum ^{Δ.} patet factum signat: ποιεῖ γό την τοῦν ποδῶν ἀναστορεῖσθαις, καὶ ποτε τὸ φίγκοιο ισπλάζει τε γάροις.

COR. CAP. XIX.

CQuoniam vero Ibis Mercurio in primis dedicata erat, qui totius cordis & sermocinationis dominus ^{Ibis pondus.} habebatur, ales ea cordis hieroglyphicum proponebatur: nam & alibi cor in thuribulo positum, Ægypti habere significatum ostendimus. Verum alia ibi ratio. Quod vero ad Ibin pertinet, avis ea simulacra nata est, si perpendatur, duas æquæ drachmas ponderat, Plutarcho referente: quod utique pondus est par cordi nuper nati pueruli, τὸ δὲ Φασιν ἐκκολαωθέσαν ἐνθήσεις ἔλεγεν δύο δεσμώτας, ὅσον ἀριτελεῖς γεγονότος καρδίας. Medici vero causam aliam adducunt: quia scilicet suæ naturæ Ibes cordi mirifice conferant, de quo apud eos locupletius. Sedenim super hoc in Accipitre plura.

SALUBRITAS. CAP. XX.

Eadem, quia medicamenti genus quod in maximo ad salubritatem usu est, commonistravit, rostri aduncitate per eam partem se proluens, qua redi ciborum onera maxime salubre, & in primis necessarium est, eo illa gestu figurata, salubritatis apud Ægyptios hieroglyphicum fuit. Eo autem præsentaneo remedio cum vulgo uterentur Ægyptii, evenit, ut postquam ejus utilitas universo terrarum orbi communicata est, distictatum sit, in Ægypto omnes esse Medicos: quod ab Homero sumptum multi postea usurparunt. Accessit hoc ciborum abstinentia, succorum herbarumque non incuriosa cognitio, de quibus licet alii multa, plurima tamen Ægyptii deprehendere, institutumque apud eos, ut singulorum morborum singuli essent medici: unde Medicorum illic coaluerit multitudo. Alii

Dd

eam



Cur Ibes salutis summa lacrima. Nempe elyptere.